

ادبیات کمونیستیه بخبریه

هفته‌لق سیاسی ، ادبی ، علمی غزته‌در

جلد : ۳

سنه : ۲ ۸ رجب ۱۳۳۶ جمعه ایرتسی ۲۰ نيسان ۱۹۱۸ نومرو ۳۳ — ۶۴

اجمال افکار

اکم ایسته ، باضود پیلسه ایدی ...

« زمان » غزته‌سی سر محرر موقری شکری بک افندی‌یه

بوکون ، پرخلوص ، پرعزم و ارادت بر حکومت مقدرات عثمانیه‌یه نمک‌هباندر . بونکاه برابر مطیه فکرته ، سیر و سفرنده مشکلاته اوغرییور . یالیا ایدیورز . نه‌دن ، نیچون ؟ شو استفهاملره اجوبه مقنعه تدارک ایتک مقصدیله ادوار آفایه ، وشیمدیلک ، هیچ اولمازسه ، جتتمکان سلطان عبد الحمید خان ثانینک عهد سلطنتنه طوغری برسیاحت ذهنیه‌ده بولونه‌لی‌یز .

کچن عهدسلطنتده علم و معارف حقیقه تعمیم ایدلک ایسته‌نلسه ایدی ، ممکن اولوردی . نته‌کیم ، خاقان سابقک عصر حکومتده مکتب طیه بردور نوینه کیردی . (حیدرپاشا) ده مهیکل و مشکل بر عرفانسرای انشا ایدلدی . مکتب حقوق ، مکتب ملکیه ودها سائر ایریلی ، اوفقلی مکاتب تأسس ایتدی . دارالفنونک بیه تملی او قرنده آتلدی . اکر اوزمان ، نسبی و اضافی برسرستی دائره‌سنده دارالفنون تنسیق ایدلسه ، معارفه دها فضله اهمیت ویرلسه ایدی ، بوکون ، بردانشوران اردوسنه مالک اوله جقدق . مطیه فکرتمز یالیا لامیه جقدی ، دها فضله منور انمز بولونه جقدی . بوکا شک و شبهه یوقدر .

اگر.. اگر، اوت بوظالم و غدار ادات شرط ذهن و فکر می تصدیع ایدیور. بر عسرك اوچده بری قدر اوزون سورن بوزمانده نهلر و کیملر یتشمزدی؟ هر سنه مكاتب عاليه مز بیک کنج یتشدیرسه و مكاتب تالیه مزدن اون بش بیک کشی چیقسه، الیوم، بزده او قومق، یازمق مسئله سی حل ایدلمش بولونه جقدی.

انکار ایتیهلم: کچن دورده، حکومت، هر دزلو اصلاحاته قادر دکلدی. اوروپا موازنه سنه روسیه - فرانسه اتفاقی وانکلتره ائتلافی و آکاده ترک و مسلمان خصومتی حاکمدی. محاربه عمومییه امداد مزه یتشدی. قیود اعتسافی قیردق. اوزمان، مثلاً، ولایات شرقیه مزه بر تیمور یولی تمید ایدمه مزدک. نته کیم، آندن صکرده ده، ینه بوایالاتک اصلاحاتیچون روسیه بر آنکل اولیوردی. پاره یوقدی. فقط، خاقان مغفور معارفه باقه بیلردی. بو، آلدنه ایدی. یواش یواش ترقی ایتیهلم زمین و زمان نامساعد دکلدی. متواضعانه بر تکاملدن هیچ بر قوت بزنی آلیقویه مازدی. پاره می ایستورسکز؟ تخصیصات سنیه سندن ماعدا خزینه خاصه سنه ثلثان میلیون صاری لیرا واردات بولان حکمدار مرحوم بو پاره نی امر معارفه و اوقاف حاصلاتی مکاتب ابتدائیه یه حصر ایتسه ایدی مطلوب حاصل اولوردی؛ آرتاردی بیله.

سلطان حمیدک نیتنده خلوص می یوقدی؟ بو ادعاده بولونه مایز. حقیقت شو مرکزده در: مشارالیه خلوص دکل، وقوف ناقصدی. بو نقصانه فقدان ارادتی ده ضم و علاوه ایده بیلیرز. ایلری کتیمورم. سلطان حمیدک - جناب حق تقصیراتی قرین عفو ایتسون - بادی و همی اوله حق درس لر دنده خیالاً واز کچورم. لکن اودورده معنای ابتدائیه ایله علوم و فنون، عرفان و معارف تعمیم ایدلسه ایدی، البته، بو کون، سنلری اوتوزده، قرقه، الیه واران اهل وطن، کمال اصحابی بولونه جقلردی. ایشته، دور آفلک اک بیوک تقصیری بو اولمشدر.

اگر، شو بولوندیغمز اوانده، هر کار مزده خیر ایله موفق اوله میورسه قباحهت بزده دکل، بزدن اولکیلر ده در.

اگر، عهد زائله لذت غلم تعمیم ایدلمش بولونسه ایدی، و قتیه اکیلن بو کون یچیلیر و مملکت مزده عادات فکریه و معاشرت ذهنیه تقرر ایتمش اولوردی. بناءً علیه حقیقی انکشاف

بوندن بویله باشلايه جقدر. چو جقلقده کی اعتیاداتک، تلفظ خطالرینک بالآخره تصحیحی نه قدر کوچ ایسه، بو کونده، اویله جه بعض خصائل فکریه نك زوایی مشکلاته اوغرییور. تربیه حریه قولایلقه تحصیل ایتمز. علم، ثمره دار اوله بیلیمک ایچون هضم ایدله لیدر. کیفیت هضم ایسه برکونده، برسنده اولماز، سنه لره مفتقدردر. دأب متفکرین اوزون زمانده تقرر ایدر. برچوق رسیدکانه تصادف اولونورکه بونلر، برجلوه طالع ایله، نائل کام اولمشلردر. لکن، مثلاً، برچایی- خصلت ذات کی اکل ونوشک قواعدینی بیلمزله. بر صولاقلق حرکات وسکناتلرنده رونما اولور. چاتال طوتمق بیله بر علم دکل، بر ممارسه مسئله سیدر.

کتاب اوقومق، جبرمافات ایدرجه سنه مطالعه ده بولونمقله علم و عرفان تحصیل ایدلمز. علمی کو کده یه یرلشدیرمک لازم. ذاتاً آلافرانغه ده *Connaissance livresque* ترکیبی ایله افاده اولونان معلومات کتابیه معتبردکلدر. هله متوفی [نی چه] پک بیوک بر کتاب مراقیسی اولدینی حالده بو کی معلوماتدن متفردی. معلومات کتابیه اکثراً معلوماتفروشلخی، - پهدانتیزم - ی موجب اولور.

ایشته، قرن لاحقده بز بو مرتبه معلوماتده یز. یاواش یاواش بوندن چیقوروز وان شاء الله تماماً وکاملاده چیقه جغز. علممز بزه مخصوص اولمیدر، اثر اقتباس واتحال اولماملیدر. تیاتروده - آدایتاسیون - صاحبه اولدینی کی علم و عرفانده بی معنادر.

قالی قیافتی یرنده، بیقلری متروش، فراقلی، اسطوانه شابقه لی بر بالقانلی یه مصادف اولورسکز. فقط برده بو ذات حرمت سماتی برصالونده، بر معشر کبارده، حتی برنجی صنفدن بر قوزموپولیت کاربانسراینده کوریکز، العیاذ بالله! اوت، علم ووقوف، معاشرت مشعور اولمقدن چیقمه لی، خلق و خصلته، فطرت و جبلته، اعتیاده کیرمه لی که تام و حقیقی اوله بیلسون. استقبالمز امیندر.

آتی مطبعه سی - ۱۲ نیسان ۱۹۱۸

مهول نوری